

葦航漫遊稿

欽定四庫全書

葦航漫遊稿卷三

宋 胡仲弓 撰

七言律詩

顧齋再作催梅詩次韻

但是南枝盡向陽
凝寒未許暗傳香
水邊疎影空浮月
嶺外孤根淺帶霜
北帝無因全漏泄
東君何事巧遮藏
好將羯鼓花前報
莫待狂風破麝囊

送李茂先去國

金定四庫全書
卷三
榻前一疏犯龍顏身在危疑進退間自是直言難見售
却於大義頗相關孤忠力為朝廷計衆望公歸臺省班
畢竟名高人所忌且移別眼看青山

嚴子陵釣臺

聘幣凡三到水涯東都莫是欠人才當時若使無新室
此地安知有釣臺魚水相忘身外樂羊裘曾卧禁中來
桐江一派清如昨千古高風挽不回

卧聽

卧聽芭蕉捲雨聲
熟梅天氣半陰晴
幾年不作雲山夢
特地來尋泉石盟
竹杖芒鞋方得意
桃笙葵扇又關情
清和時節如寒食
昨日街頭人賣飴

次韻山居

夕陽漏影射疎林
三兩人家桑柘陰
鶻過桺開歸鳥路
鐘敲撞碎野猿心
常因境勝甘忘食
不為家貧輒廢吟
說與門前樵牧者
日間過此可相尋

送後村去國二首

金史四
卷三
人言責備過春秋笑出修門肯怨尤去國早知如許急
勸君何事莫來休是非不信無公論勝負常關第一籌
史筆未青先結局天刑人禍免推求

累疏箋天乞掛冠此時便合整歸鞍玉音不許難輕去
局面那知竟未安但得中朝常有道何妨右史左遷官
此行不被梅花累把作尋常物外看

寄吳警齋

去國翩翩又許時愛君何日不攢眉二賢出處分明甚

四諫聲名今似之朝奏一封排佞疏暮收千首餞行詩

山林若問朝廷事實劍年來正倒持

原註二賢謂潘南夫同日出臺

豸冠風采動簪紳天子如何不得臣去後赤心常體國
從前冷語頗冰人好官盡屬時賢做近事看來局面新
輪轍深依梅竹下一僮一鶴伴吟身

九月八日寄嬾窠

轉盼重陽在眼前客中歲月浪推遷雲飛千里家何處
鴈過一聲秋滿天節近最關萱草夢囊空猶欠菊花錢

瞑心九日山頭路雖不登高亦惘然

寄默菴

剩得吟身漫浪遊機心猶在莫盟鷗一枰碁裏乾坤大
九節筇邊歲月流涉世間關如履險憂時感慨似悲秋
但營二頃閒田地却笑區區萬戶侯

寄松坡

別去京華又一霜懷人心事暮雲長高樓不見青山面
明月偏來照屋梁湖海最深難久駐乾坤許大任行藏

書生空抱憂時憤何日與君同較量

寄適安

別來不作故人書堪笑癡翁懶有餘世路每於平處險
交情多是密中疎梅花至老香猶在竹節雖高心本虛
門對青山無一事便教草長不須鋤

和丘君就見寄

曾坐當年阮籍途功成何敢嘆桑榆嚼來世味十分淡
吟得詩腸一半枯向日有書干北闕只今無夢到西湖

訪君欲話前頭事怕被秋風吹病軀

寄順適

標格因詩總不羣眼前餘子漫紛紛江頭社裏新知已
文字行間舊識君心事正須豪傑道吟聲莫遣鬼神聞
歲寒消得梅花伴肯共扁舟載白雲

寄沈迂叟

鴈飛不到瘴江邊別去而今又一年放下客愁非為酒
擡高詩價莫論錢從來富貴皆尤物休把行藏問老天

世味料君如嚼蠟白雲堆裏且安眠

寄姚省齋

笑俯修欄一欠伸年來踪迹尚埃塵
幾曾隻字商量酒強把篇詩料理春
風雨無情鶯口噤江山有恨柳眉顰
不知桃李成陰未我欲行吟避醉人

寄李適安

懶踏門前沒馬塵適安亭上坐吟身
慙慙風月一樽酒斟酌湖山十里春
柳葉未舒先嫵媚梅花雖老更精神

白鷗似會冥搜意來往忘機欲傍人

寄李希膺二首

醉倚危欄望海鯨乍看潮落又潮生眼中世界粟來大
身外乾坤葉樣輕鷗鷺行藏無俗迹魚龍變化詎虛聲
冥搜誤入蠻烟去祇恐梅花句未清

綠玉樽前笑語嬉青燈影裏坐彈碁交情又屬後來者
樂事何如初見時山寺論文辭太苦海樓握手句尤奇
歲寒不見梅花面辜負暗香疎影詩

次秀野使君見寄

分間南來征弗庭薦賢須到李陽冰
不從沙漠去投筆便向雲山學習苓
鈴閣祇今增璽綬路車何日飾鈎膺
匣中古劍牢收拾下取須防有六丁

寄戴石屏

子入天台我入閩歸來又見六番春
鴈書之便通安道鶴頸長延望叔倫
吃藥未逢醫國手聽琴誰見賞音人
年來屢作江湖夢細嚼君詩當問津

寄趙西巖

自分男兒未著鞭
龍駒伏櫪更多年
張儀舌在堪謀國
阮籍途窮只問天
彈鋏空歌雲夢句
焚香靜讀楚騷篇
吟魂常繞江湖上
莫道閩中無杜鵑

送謝刑部使君赴名

摘奸方喜俗無譁
一札飛來墨勅斜
職業已昇金掌貴
吏民空擁綵旗遮
絳車趣召二千石
輿頌歡傳十萬家
桃李競隨春脚去
僅留遺愛在桐花

中和報政二年間五馬朝天不可攀
南國願留申伯住
東山催起謝公還
銀鈎鐵畫輝棠蔭
玉鑑冰壺照笋斑
名在御屏推課最
前途重見璽書頒

泛湖晚歸式之有詩見寄因次其韻

晚趁歸舟醉復醒
一湖烟水淡冥冥
自憐吟鬢新添白
強學遊人去踏青
足跡未經龍井寺
夢魂常繞冷泉亭
何時携手同登覽
花滿烏紗酒滿罍

原註諸友有龍井之約故云

蔡司業爭公議而去詩以送之

此舉朝廷繫重輕先生直以去為榮但令天下無邪黨
不願吾曹有令名模楷昔曾宗李氏搢紳今盡說陽城
是非公論從來定少待前頭風浪平

顧齋詩筒急遞次韻奉酬

一日懷人三閱秋白鷗飛去水悠悠江山磨盡古今事
風雨送來天地愁蝸喜自汾商隱壁燕歸錯認仲宣樓
笛聲只在欄干曲須向西鄰高處求

再和顧齋見寄

胸懷拍拍貯陽秋萬里江山思遠悠自笑半生行酒禁
可能一日免詩愁圖書圍裏誰分榻風雨中間獨倚樓
除却知心吾與汝吟邊何事冀旁求

立春

移文火急報花神好趁陽和去問津未轉頭間猶是臘
一彈指頃便為春梅先得志求專寵柳亦趨時願效顰
造化但隨人事改幾回粧點幾回新

冷風閣

金定四庫全書
卷三
高閣凌雲四望賒
劒城橫案俯千家
乘風列子留行館
飛舄王喬有別衙
天女下遊簫引鳳
仙人來宴棗如瓜
溪山勝絕非塵世
帆過真疑海上槎

西湖懷古

水拍平堤欲蘸天
濯纓人在小橋邊
古今塵世知多少
滄海桑田幾變遷
駝巘勲名無竹寫
孤山衣鉢有梅傳
誰能撰取西湖傳
持到玉皇香案前

早湖